

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 106225 22 K
Bugojno, 12.06.2023. godine

U IME FEDERACIJE BOSNE I HERCEGOVINE !

Općinski sud u Bugojnu, po sudiji Sonsirej Radivojević, uz sudjelovanje zapisničarke Muberine Gekić, krivičnom predmetu protiv optuženog S.O., a po optužnici Tužilaštva Srednjobosanskog Kantona broj T06 0 KT 0030065 21 od 06.12.2021. godine za krivično djelo „Krađe“ iz člana 286. stav 2. Krivičnog zakona Federacije Bosne i Hercegovine¹ (u daljem tekstu KZ FBIH) nakon javno održanog i zaključenog usmenog glavnog pretresa od dana 07.06.2023. godine, u prisustvu optuženog i njegovog branitelja Hajrudina Pokvića, te kantonalnog tužitelja Mehe Bradića, a na ročištu za izricanje presude održanog dana 12.06.2023. godine održanog bez prisustva uredno obaviještenih stranaka, a u prisustvu branitelja Hajrudina Pokvića donio je i istog dana javno objavio:

P R E S U D U

Temeljem odredaba člana 299. stav 1. tačka c) Zakona o krivičnom postupku Federacije Bosne i Hercegovine (u daljem tekstu ZKP FBIH)²

Optuženi S.O. zv. S., sin F. i majke S1. rođene O1., rođen godine, u B., nastanjen u mjestu Vučipolje bb, općina B.,, državljanin BiH, JMBG:, po zanimanju Električar, zaposlen u privatnoj firmi „OER Elektra“ pismen, sa završenom SSS smjer Elektroinstaler, vojsku služio, nema čina rezervnog vojnog starješine, vodi se u vojnoj evidenciji, nije odlikovan, dobrog imovnog stanja, neosuđivan.

OSLOBAĐA SE OD OPTUŽBE

Da bi:

Dana 02.10.2021.godine, iz šume na parceli 40 zvanog Nad Osoje, upisano u PL broj 1044 K.O. Odžak, općina Bugojno, vlasništvo S.R., u namjeri pribavljanja protupravne imovinske koristi male vrijednosti oduzeo i prisvojio 0,92 m³ smrčinog drveta, oštetivši na taj način S.R. za novčani iznos od 161,80 KM.

Čime bi počinio krivično djelo „Krađa“ iz člana 286. stav 2. KZ F BiH.

¹ ("Službene novine Federacije BiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016 i 75/2017)

² ("Službene novine Federacije BiH", br. 35/2003, 56/2003 - ispravka, 78/2004, 28/2005, 55/2006, 27/2007, 53/2007, 9/2009, 12/2010, 8/2013, 59/2014 i 74/2020)

Na temelju odredbi člana 212. ZKP FBiH, oštećena S.R.H. se u cijelosti sa imovinsko pravnim zahtjevom upućuje na parnicu.

Na temelju odredbi člana 203. stav 1. ZKP FBiH, troškovi krivičnog postupka u cijelosti padaju na teret budžetskih sredstava.

O b r a z l o ž e n j e

Na temelju odredbi člana 212. ZKP FBiH, oštećena S.R.H. je u cijelosti sa imovinsko pravnim zahtjevom upućena na parnicu, jer je ista izjavila da joj šteta nikada nije nadoknađena.

Temeljem odredaba člana 203. stav 1. ZKP F BiH, a budući da je optuženi oslobođen od optužbe, sud je odlučio da troškovi krivičnog postupka padaju na teret budžetskih sredstava.

Zapisničarka:

S U D I J A

Muberina Gekić

Sonsirej Radivojević